

少牢饋食禮

儀禮義疏

三十八

欽定儀禮義疏卷第三十七

少牢饋食禮第十六之一

正義鄭氏康成曰諸侯之卿大夫祭其祖禰於廟之禮少牢於五禮屬吉禮大戴第八小戴第十一別錄第十六敖氏繼公曰此篇言大夫祭其祖之禮

案特牲少牢皆曰饋食者祭以粢盛爲重也推而上之天子諸侯爲藉秉耒躬耕以共宗廟之粢盛蓋亦首重此矣士虞禮尸入之後亦先九飯而後三獻略與特牲禮同故篇首亦曰特豕饋食凡孝子養親曰饋養昏禮婦饋特豚以明婦順而祭禮黍稷之設必主婦親之皆此義也

存疑賈氏公彥曰曲禮下云大夫以索牛是天子卿大夫

明此用少牢爲諸侯之卿大夫。

存異 郝氏敬曰。曲禮。大夫以索牛。是大夫亦犬牢也。聘及公食大夫禮。皆犬牢以待卿大夫。而王制諸侯社稷皆少牢。郊而特牲。是天子有時用特牲。作者但敘禮隆殺。非定特牲爲士。少牢爲大夫也。

案 禮有時從其隆。則大夫或可用牛。舊說以索牛爲天子之大夫。蓋未可。泥若郝氏以特牲少牢不定爲士大夫之別。則尤非也。孟子言前以士後以大夫。前以三鼎而後以五鼎。士虞特牲皆三鼎爲士禮。少牢五鼎爲大夫禮。無疑矣。士喪遣奠用少牢。盛葬奠。非常禮也。聘及公食皆犬牢。以待大夫士。蓋賓客之道。文而繁。故視事神之儀物不同。

耳。

通論穀梁氏赤曰。天子七廟。諸侯五。大夫三。士二。故德厚者流光。德薄者流卑。程子曰。自天子至於庶人。五服未嘗有異。皆至高祖。服既如是。祭祀亦須如是。七廟五廟。只是祭及高祖。大夫士雖三廟二廟一廟。或祭寢。亦不害祭及高祖。若止祭禰而不及祖。非人道也。張子曰。宗子者。謂宗主祭祀。宗子爲士。庶子爲大夫。以上牲祭於宗子之家。朱子曰。士大夫始祖之祭。春秋如單氏尹氏王朝之大夫。自上世至後世。皆不變其初來姓號。則必有太祖。又如詩說南仲太祖。是文王時人。至宣王時爲太祖。又如魯季氏之徒。世世不改其號也。又曰。程子以爲高祖有服不

金定傳禮記正義卷三十一
可不祭雖七廟五廟三廟一廟以至祭寢皆及高祖此最爲得祭祀之本意禮家又言大夫有事省於其君于祫及其高祖此則可爲立三廟而祭及高祖之驗

案大夫三廟而此經所祭惟一廟則亦牲祭也若祫祭則當迎祖禰至太祖之廟而祫之矣王制大夫三廟一昭一穆與太祖之廟而三是大夫有太祖廟也時祭有四曰祠曰禴曰嘗曰烝此天子諸侯之祭也春秋傳昭元年趙孟將烝于濫則四者之名通乎上下矣四時之祭有牲有祫茲特見其牲者耳 特牲少牢皆無言及廟主之文漢儒

因謂大夫士無主然左氏傳哀十六年衛孔悝出奔宋使貳車反祔於西圃杜注云祔藏主石函則大夫有主矣大

夫有主則士亦未必無之。若無主則廟中以何者依神而祖禰何以別乎。此經不言主者。亦以祖祭無迎主之事故也。夫婦同几。精氣合則或有男主。無婦主與。又案或以三公執璧與子男同。得立五廟。非也。先王之法。贊物從異以別其等差。廟數從同以定其名分。唯異故位雖相近而贊物必殊。如大夫鴈。卿羔。孤皮帛。三公璧也。唯同故爵雖相懸而廟數則一。如畿外則九命之上公與五命之子男未成國之附庸同五廟。以有君道遠乎王而其尊得伸。畿內八命之公與四命之大夫同三廟。以純乎臣道近乎王而屈侯國四命之孤與再命一命之大夫亦同三廟。其義一也。

少牢饋食之禮。

正義鄭氏康成曰。禮將祭祀。必先擇牲繫于牢而芻之。羊豕曰少牢。諸侯之卿大夫祭宗廟之牲。賈氏公彥曰。地官充人職掌繫祭祀之牲牲。祀五帝則繫于牢。芻之三月。享先王亦如之。注云。牢。閑也。必有閑者。防禽獸觸齧養牛羊曰芻。若豕則曰豨。牛羊豕三牲具爲大牢。豕亦有牢稱。詩公劉云。執豕于牢。

案牢者養牲之所。牲有六而馬不常用。犬與鷄又最小。故以三牲爲主。而以牛爲大牲。用一牲爲特。二牲以上稱牢。三牲具牛最大爲大牢。二牲則羊豕爲少牢。士祭用特牲。一豕而已。大夫加隆。故用少牢。

通論國語。楚觀射父曰。天子舉以犬牢。祀以會。諸侯舉以特

牛。祀以犬牢。卿舉以少牢。祀以特牛。大夫舉以特牲。祀以少

牢。士食魚炙。祀以特牲。

日用丁巳。己音紀

正義鄭氏康成曰。內事用柔日。賈疏。曲禮。外事以剛日。內事

事。謂征伐巡守之等。甲丙戊庚。必丁巳者。取其令名。自丁寧

王為剛日。乙丁巳辛癸為柔日。自變改。皆為謹敬。必先諏此日乃筮。楊氏復曰。特牲不諏

丁巳日者。士卑禮殺。不如大夫也。敖氏繼公曰。此指筮日

之日。所謂諏日者也。先諏是日。至其日乃筮。

筮旬有一日。

正義鄭氏康成曰。旬。十日也。以先月下旬之巳。筮來月上旬

之已

賈疏據用已一日而言。若用丁則以先月下句丁。筮來月上句丁。若丁已之外。辛乙之等皆然。必言來月上句。

不用中句下句者。吉事先近日故也。

敖氏繼公曰。以丁若已之日而筮旬有

一日。則所筮之日亦丁若已可知矣。以丁已之日而筮丁已。乃云旬有一日。則是并筮日之日而數之也。古者數日之法。於此可見。

案筮必旬有一日者。容散齊七日。致齊二日也。周官大宰職

祀五帝前期十日。帥執事而卜日。賈疏前期十日。卽是祭前十日。天子祭禮。日與尸皆用卜也。

筮於廟門之外。主人朝服。西面于門東。史朝服。左執筮。右抽上

韞。兼與筮執之。東面受命于主人。

朝直遙反。下朝服並同。

正義

鄭氏康成曰。史家臣主筮事者。賈疏維記。大夫士筮宅。亦云。史練冠長衣。是史

主筮事也。

賈氏公彥曰。主人西面于門東者。爲將筮也。下文爲期于廟門外。主人門東南面。注云。不西面者。大夫尊於諸臣。有君道。彼不爲卜筮之事故。南面也。敖氏繼公曰。朝服。大夫士以筮之正服也。史亦公有司也。周官筮人職。中士二人。史二人。士冠特牲。言筮人。此言史。蓋互文也。大夫筮亦朝服者。降於卜也。雜記言大夫卜宅與葬曰。云。占者皮弁。又云。如筮。則占者朝服。是其服異也。

案雜記。大夫筮宅。則史練冠長衣以筮。占者朝服。此似本服重服。因筮而改爲不純凶之服者。則大夫有家臣爲筮史。鄭似得之。然大夫士之臣。或不必有能筮者。則公有司亦或兼用與。冠特牲皆云。門中闌西闕外。是距門近也。此云廟門之

外門東下云史西面于門西不言闕外則在門雷之外而距門稍遠矣。

主人曰孝孫某來日丁亥用薦歲事于皇祖伯某以某妃配某氏尚饗。

正義鄭氏康成曰丁未必亥也直舉一日以言之耳禘于大

廟禮曰日用丁亥

賈疏大戴禮文

薦進也進歲時之祭事也皇君也

伯某且字也大夫或因字爲諡春秋傳曰魯無駭卒請諡與族公命以字爲展氏是也其仲叔季亦曰仲某叔某季某某妃某妻也合食曰配某氏若言姜氏子氏也賈氏公彥曰日有十辰有十二以五剛日配六陽辰以五柔日配六陰辰若云甲子乙丑之等以日配辰丁日不定直舉一日以丁當

亥而言餘或以巳當亥或以丁當丑皆得用之也春秋宣八年書辛巳有事于大廟文二年書八月丁卯大事于大廟昭十五年書二月癸酉有事于武宮桓十四年書巳亥嘗此等皆不獨用丁巳之日也李氏如圭曰筮不同土禮使宰贊命者蓋辟君敖氏繼公曰惟云丁亥特見其一耳亥爲六丁之末故設言之末者且用則上者可知矣巳日亦宜如之大夫三廟其常祀自曾祖而下此惟言皇祖者亦見其一耳

案疏引春秋諸祭日見凡柔日皆可用不但丁巳也上云丁巳亦舉之以見例耳歲事四時之祭事春露秋霜之義亦不疏不數之期也則歲以四舉明矣稱祖之字諱名不諱字如子思作中庸稱仲尼是也注謂大夫因字爲諡蓋生時名字

兩稱卒哭乃諱。則諱其名而專稱字。字有諡之義。非以此直爲諡法之諡也。以某妃配某氏。所謂同凡精氣合也。陰統於陽。故但祭其祖。而妣已兼之矣。若祖歿而妣尙存者。不用此辭。可知也。以某妃配。若言伯某之妃也。又舉某氏以實之。

存異

鄭氏康成曰。不得丁亥。則已亥辛亥亦用之。無則苟有

亥焉可也。

賈疏。必須亥者。陰陽式法。亥爲天倉。祭祀所以求福。宜稼于田。故先取亥。上旬無亥。乃用餘辰也。

辨正

楊氏復曰。上文日用丁巳。謂十干丁巳日也。來日丁

亥亦舉一端以明之耳。如鄭說。則不論十干之丁巳。專取十

二支之亥以爲解。疏又從而爲之辭。滋繆已。

史曰。諾。西面于門西。抽下韞。左執筮。右兼執韞。以擊筮。

正義

鄭氏康成曰。將問吉凶焉。故擊之以動其神。易曰。蓍之

德圓而神

賈疏引易者證著有神故擊而動之也

賈氏公彥曰史既受主人

命乃右還向門西西面以其用著爲筮因名著爲筮兼執贛者已用右手抽上贛此又用右手抽下贛是二贛兼執之也

敖氏繼公曰擊筮者爲將述命故也不述命則無此儀

遂述命曰假爾大筮有常孝孫某來日丁亥用薦歲事于皇祖

伯某以某妃配某氏尚饗

大音泰

正義

鄭氏康成曰述命者重以主人辭告筮也假借也言因

著之靈以問之常吉凶之占繇

敖氏繼公曰大者尊之之

辭假爾大筮謂假借爾大筮之靈以問於神也有常謂其常常如此也言每有疑事則必問之而不敢專決所以見其敬信之意孝孫某以下之辭所謂述命也郝氏敬曰特牲筮

不述命此述命禮盛也

案有常謂其斷吉凶不差忒也

存疑賈氏公彥曰述命訖乃連言曰假爾大筮有常此是卽

席西面命筮與述命同爲一辭者

案假爾大筮有常乃承擊筮而發端之語其下乃述命之辭

賈氏謂述命訖乃連言倒矣

乃釋贖立筮

正義鄭氏康成曰卿大夫之蓍長五尺立筮由便

賈疏卿大夫之蓍長

五尺大戴禮三正記皆有此文立筮由便以其蓍長對土之
著三尺坐筮爲便若諸侯著七尺天子著九尺立筮可知

敖氏繼公曰立筮而又在門西皆大夫之禮異者也

案立筮故不設席

卦者在左坐卦以木卒筮乃書卦于木示主人乃退占

正義

鄭氏康成曰卦者史之屬也

賈疏筮是史故知卦者史之屬

卦以木者

每一爻畫地以識之六爻備書於板

賈疏書卦於木木即板也

史受以示

主人

賈疏卦者卑故還使筮史以示主人

退占東面旅占之

敖氏繼公曰此

卦者坐亦與筮者相變也上木畫地者也下木板也退退于

其位也不言其位亦西方東面可知占者亦當三人大夫廟

門外之位其有司之西方東面者惟此耳蓋筮者有事于神

故不為大夫而變位也

吉則史讀筮史兼執筮與卦以告于主人占曰從

正義

敖氏繼公曰既筮釋筮于所筮之處至是乃就而讀之

也讀筮而兼與卦執之以告亦與士禮異者也鄭氏康成

曰從者求吉得吉之言

賈疏主人之祭本以求吉今筮而得吉是從主人本心也

乃官戒宗人命滌宰命爲酒乃退

正義

鄭氏康成曰官戒戒諸官也當其祭祀事者使之具其

物且齊也滌漑濯祭器埽除宗廟

楊氏復曰筮日卽戒故

云乃不云厥明也

敖氏繼公曰官戒謂某官戒某人以某

事也宰宗人乃官之尊者故見其所命者以明之有司羣執

事之位當在門東東上大夫之宗人亦私臣爲之自此以下

諸官司馬之屬皆放此郝氏敬曰命爲酒者祭用酒天官

酒正所謂事酒有事新造者卽此也

案

官戒總戒凡其祭祀之官宗人與宰乃分命焉天官大宰

掌百官之誓戒前期十日帥執事而卜日遂戒小宰以法掌